

## OILAVIY MUNOSABATLARDA SHAXSNING UMUMMADANIY DUNYOQARASHINI SHAKLLANTIRISHNING PSIXOLOGIK JIHATLARI

*Usmonova Komila Mirzavaliyevna*

*Namangan viloyati Maktabgacha va maktab ta'limi boshqarmasi*

*Mingbuloq tumani Maktabgacha va maktab ta'limi bo'limi ga qarashli*

*22-sonli umumi o'rta ta'lim maktabi amaliyotchi psixolog*

**Annotatsiya:** Mazkur maqlolada oilaviy munosabatlarda shaxsning umummadaniy dunyoqarashini shakllantirishning pedagogik psixologik imkoniyatlari ilmiy nazariy jihatdan yoritib berilgan. Shuningdek maqlolada oila tinch totuv bo'lsa unda yangi g'oyalar yangi innovatsiyalar va tadbirkorliklar amalga oshirilishi masalalari "Oila-mahalla-ta'lim muassasasi" strategiyasida shaxsning umummadaniy dunyoqarashini shakllantirish jarayoni amaliy tajribalar asosida tahlil qilingan.

**Kalit so'zlar:** oilaviy munosabatlar, axborot texnologiyalari, jamiyat, shaxs, umummadaniy dunyoqarash, "Oila-mahalla-ta'lim muassasasi" strategiyasi, barkamol shaxs, tarbiya, innovatsiya, psixologik, pedagogik, dunyo sivilizatsiyasi, xalq, madaniy kamolot, milliy –madaniy an'ana, urf-odat, umumbashariy qadriyat.

Oila tinch totuv bo'lsa unda yangi g'oyalar yangi innovatsiyalar va tadbirkorliklar amalga oshiriladi. Bilamizki oila – jamiyatning bir bo'lagi, yachevkasi. Oilaviy munosabatlarda shaxsning umummadaniy dunyoqarashini shakllantirish zamirida er-xotinning bir–biriga munosabati, qaynona kelin munosabati, oiladagi qarindoshlar, qo'ni –qo'shni va eng asosiysi oilada kamol topayotgan farzandlarning dunyoqarashlarini shakllantirish tushuniladi. Shuni ta'kidlash joizki, oilaviy munosabatlarda shaxsning umummadaniy dunyoqarashini shakllantirish tizimini rivojlantirishga e'tibor milliy mafkuramizni muhofaza etishdek muhim vazifani hal etadi. Farzand tarbiyasiga e'tibor, ularning dunyoqarashini shakllantirish globalizatsiya jarayonidagi muhim pedagogik vazifalarimizdan biri sanaladi. Oilaviy munosabatlarda oilada kamol topayotgan bolalarning umummadaniy dunyoqarashini shakllantirish jarayoni yaxlit pedagogik psixologik jarayon sifatida:birinchidan, turli xil global tarmoq orqali kirib kelayotgan jamiyatda mafkuraviy va g'oyaviy-siyosiy barqarorlikni ta'minlash, jamiyat va fuqarolar manfaatlarini himoya qilish asosida jamiyatdagi tinchlik va osoyishta muhitni yaratish, yet g'oyalarga qarshi oilada tarbiya topayotgan bolalarning mafkuraviy immunitetni shakllantirish va shu asosda yagona ezgu maqsadimiz bo'lmish "Ozod va obod Vatan, erkin va farovon hayot barpo etish" uchun zamin hozirlash;ikkinchidan, axborot texnologiyalarining rivojlanganligi, jamiyat taraqqiyotida jiddiy to'siq bo'layotgan diniy aqidaparastlik, ekstremizm va terrorizm kabi ijtimoiy illatlarning oldini olish, unga qarshi kurashish va voyaga

yetmagan bolalar orasida keng ko‘lamda tarqalmasligiga erishish;uchinchidan, farzandlarimizni jamiyatimizga keng tarqalayotgan “ommaviy madaniyat” ta’siridan himoya qilish, yon - atrofdagi voqealarga daxldorlik tuyg‘usini rivojlantirish, ongli yashashga – o‘z aqli va fikriga, ezgu, insoniy mafkuraga, aniq g‘oyaga suyanib yashashga o‘rgatish;to‘rtinchidan g‘arb ommaviy axborot vositalaridagi axloqsizlik targ‘iboti, o‘zining demokratiya modelini olg‘a siljитishning asl maqsad-muddaolarini tushuntirish;beshinchidan, jamiyat hayotida saqlanib qolayotgan eski mafkuraviy sarqitlar-ma’naviy buzuqlik, boqimandalik, mahalliychilik kabi noaxloqiy holatlarning oldini olish, bolalarning o‘ziga bo‘lgan ishonchini mustahkamlash, ularning tarixiy tafakkurini boyitish, milliy g‘ururimiz manbai bo‘lgan intellektual salohiyatni shakllantirishda muhim sanaladi.Aytish o‘rinliki, Hindistonning taniqli siyosat arbobi Maxatma Gandhi ‘Men uyimning darvoza va eshiklarini mahkam berkitib o‘tira olmayman. Chunki unga toza havo kirib turishi kerak. Va shu barobarida eshik va derazalarimdan kirayotgan havo dovul bo‘lib, xonadonimni ag‘dar-to‘ntar qilib, o‘zimni yiqitib tashlashini ham xohlamayman” [6] degani fikrining bugungi zamon va makon uchun ha ahamiyati kattaligi anglashiladi, chunki bugungi axborot xurujlari va turli xil ma’lumotlar haqiqatda, sir emaski, zararli g‘oyalar turli kinofillmlar, internet tarmog‘i va boshqa yo‘nalishlarda uzluksiz ravishda tiqishtirilib, mafkuraviy immunitetimizni susaytirishga, o‘sib kelayotgan yosh avlodni soxta g‘oyalarning ta’siriga tushib qolishiga muntazam harakat qilinayotganini nazarga tutgan holda shunday xulosaga kelish mumkin. Zotan yot zararli g‘oyalarning mamlakatimizga kirib kelishi o‘smir yoshidagi bolalarning maqsad va intilishlarini, taraqqiyot yo‘lini o‘ziga xos va mos bo‘lmagan yo‘nalishga burib yuborish, mamlakatlarning ijtimoiy, ma’naviy, siyosiy hayotini o‘zgartirib yuborishi mumkin.

Biz oilada shaxsning umummadaniy dunyoqarashini shakllantirish jarayonini rivojlantirishda bola ongingin quyidagi tavsiflariga e’tibor berishni lozim deb topdik:

1. Bolaning atrof-muhit voqeа - hodisalarini sezishi, idrok etishi, diqqatini qaratishi, xotirasiga saqlashi, tafakkur eta olishi muhim. Bu esa insonning bilish jarayonlariga kiradi. Inson ana shu bilish jarayonlari yordamida o‘z bilimlarini doimo boyitib boradi.
2. Bolaning subyekt bilan obyekt o‘rtasidagi farqni anglashi, ya’ni “men” degan tushuncha bilan “mendan boshqa” degan tushunchani anglab yetishi muhimdir.
3. Bolada ong yordami bilan motiv (faoliyatga undovchi ichki turki) -maqsadni ko‘zlash faoliyati ta’milanadi. Faoliyat maqsadlarini yaratish esa ongingin vazifasiga kiradi.
4. Bolalar tevarak - atrofimizda sodir bo‘layotgan voqealarni va o‘zining harakatini, aniq dunyo obyektlarini har xil baholaydilar. Oilada tashkil etiladigan muloqot jarayonida obyektiv borliqni to‘g‘ri baholash, tarbiyada “Men konsepsiysi”, o‘zi haqida va atrof-muhitning borligi haqida butun xabarlarni bola ijtimoiy ong

yordamida ajratib oladi. [2] Bilamizki, oilada bola tomondan qabul qilinayotgan real hayotning obrazi va o‘ziga baho berishi bir-biroviga moslashtiruvchi bir qator faktorlar, jumladan, bolaning tashqi muhitni to‘g‘ri qabul qilish darajasi, uning imkoniyat faktorlari bilan bog‘liq bo‘ladi. Boshqa so‘z bilan

aytganda, qabul qilish chegarasi bu yaxshi va yomon tushunchalarni anglash xususiyatiga bog‘liq. Jamiyatdagi o‘zgarishlar oilaga ta’sirini ko‘rsatganidek, oila maskanlarida beriladigan ta’lim-tarbiya jarayoni, oila a’zolarining ehtiyojlari, qiziqishi, mayli va boshqa ijtimoiy faoliyat turlari bola ijtimoiy ongining rivojlanishiga sezilarli ta’sir ko‘rsatadi. Shunday ekan, shaxsning umummadaniy dunyoqarashini shakllantirish jarayoni davr talabi, ushbu muammoning pedagogik– psixologik asoslarini, shart - sharoitlarini, oilada tarbiya jarayonida amalga oshirish mexanizmini bilish va unga ijodiy yondashish ota-onalar va ijtimoiy soha vakillaridan ijtimoiy – siyosiy madaniyatni, g‘oyaviy kompetentlikni talab etadi. Oilada shaxsning umummadaniy dunyoqarashini shakllantirishda, o‘zini o‘zi boshqarish organlari, uzlusiz ta’lim tizimi, sport-sog‘lomlashtirish obyektlari va ijtimoiy institatlarning roli muhim hisoblanib, bu tizim asosida amalga oshiriladigan ta’lim-tarbiyaviy ishlarning uzviy aloqadorligi va uzlusizligini ta’minalash muhim pedagogik ahamiyat kasb etadi. Tajriba va kuzatuvlarimiz asosida aytishimiz mumkinki, oilada shaxsning umummadaniy dunyoqarashini shakllantirish jarayoni “Oila – mahalla – ta’lim muassasasi” hamkorligi strategiyasi asosida tashkil etilishi muhim psixologik omil sanaladi. Jismonan sog‘lom, ma’naviy yetuk va har tomonlama rivojlangan barkamol avlodni tarbiyalashda oila instituti, ota-onalar va fuqarolarning o‘zini o‘zi boshqarish organlarining ta’lim muassasalari bilan o‘zaro hamkorligini mustahkamlash maqsadida O‘zbekiston Respublikasi Vazirlar Mahkamasining 2012 yil 19 iyundagi 175-sonli qarori bilan tasdiqlangan tarkib asosida O‘zbekiston Respublikasi Xalq ta’limi vazirligi huzurida “Oila – mahalla – ta’lim muassasasi” Jamoat kengashi tuzilgan. Mazkur Jamoat kengashi ma’naviy-ma’rifiy ishlarni tizimli va aniq maqsadga yo‘naltirgan holda, o‘z faoliyatini yoshlar, ota-onalar va jamoatchilik ishtirokida olib boradi. Aytish joizki, oilada shaxsning umummadaniy dunyoqarashini shakllantirish jarayoni tuzilishiga ko‘ra ijtimoiy munosabatlar va kishilar faoliyatining turlari bilan belgilanadi. Insoniyat faoliyati qanchalik xilma-xil, ularning ijtimoiy munosabatlari qanchalik boy bo‘lsa, ularning dunyoqarashi, fikrlash darajasi, tevarak atrofga munosabati ham shunchalik boy va murakkab bo‘ladi. Oilada shaxsning umummadaniy dunyoqarashini shakllantirish bo‘yicha “Ota -onalar universiteti” jamoatchilik tuzilmasi o‘quv rejasida ma’lum soatlar ajratilgan bo‘lsa -da, ayrim oilalarda mazkur masalaga yetarli darajada e’tibor berilmaydi, buning uchun muammolarni o‘rganish, maqsadlarini aniq belgilab olish, aynan oilada farzand tarbiyasi masalalariga quyidagi vazifalarini tadqiqot doirasida belgilash imkoniyatini yaratdi[1]. Oilada shaxsning umummadaniy dunyoqarashini shakllantirishda:

- “Oila-mahalla-ta’lim muassasasi” jamoat kengashi hamda “Ota-onalar universiteti” jamoatchilik tuzilmasi hamkorligini kuchaytirish;
- ota-onalarga psixologik va pedagogik tamoyillar, shart-sharoitlar, omillar, qonuniyatlarga amal qilish ko‘nikmalarini hosil qilish;
- oilada bolalarning kitob o‘qishini kuzatish va kitob o‘qishni tizimli tashkil etish;
- ilg‘or tajribalarga, dunyo fanida olg‘a surilgan nazariy g‘oyalarga tayanish; - shaxsning umummadaniy dunyoqarashini shakllantirishda ularning yosh, shaxsiy, jinsiy xususiyatlarini inobatga olib, tarbiyaviy ishlarni tashkil etishda ularga individual munosabatda bo‘lish;
- shaxsning umummadaniy dunyoqarashini shakllantirish bo‘yicha ilmiy-ommabop adabiyotlarni tayyorlash, chop etish va ularning har bir oilaga kirib borishini ta’minalash, OAV da maxsus ruknlar tashkil etish;
- shaxsning umummadaniy dunyoqarashini shakllantirish xususiyatlariga ta’rif berish;
- oilaning har bir a’zosi huquqlari, erkinliklari va qonuniy manfaatlarini ta’minalash bo‘yicha jamoatchilik ishlarini tashkil etish va amalgalash;
- oilada bola tarbiyasi borasida to‘plangan tarixiy tajribani ilmiy-nazariy o‘rganish, xulosa va tavsiyalarni amaliyatga tatbiq etishga alohida e’tibor qaratish muhim ahamiyatga egadir[7].

Oilaviy munosabatlarda shaxsning umummadaniy dunyoqarashini shakllantirishda oila, mahalla va ta’lim muassasalarining hamkorligi muhim ahamiyatga ega. Chunki insonning ilk hayotiy tushuncha va tasavvurlari, avvalo oilada shakllanadi, ya’ni bolaning xarakteri va dunyoqarashini belgilaydigan ma’naviy mezon va qarashlar - yaxshilik va ezgulik, mehr-oqibat, ornomus, ota-onaga, oiladagi keksa avlod vakillariga hurmat kabi muqaddas tushunchalarning poydevori ham oila sharoitida, mahalla ko‘z o‘ngida shakllanishi, tabiiy. Oilada boshlangan ta’lim va tarbiya ta’lim muassasalarida, mahallada davom etadi. Ta’lim muassasalarida amalgalash oshiriladigan maqsadli va uzlusiz ta’lim-tarbiya jarayoni orqali bolaning bilish jarayonlari rivojlanadi, bola shaxsi shakllanadi. Yuqorida qayd etilgan mas’uliyatli ishlar bir-biriga o‘zaro bog‘liq bo‘lgan uch omil, ya’ni oila - mahalla - ta’lim muassasasi hamkorligi asosida tizimli ravishda amalgalash oshirib kelinmoqda. Ushbu hamkorlikning samarali yo‘lga qo‘yilishi bolalar orasida turli salbiy odatlar, huququzarlik va jinoyatlar sodir etilishining, shuningdek, giyohvandlik, diniy ekstremizm, “ommaviy madaniyat” va shunga o‘xshash illatlarning oldini olishda, ularni sportga jalb etish, bo‘s sh vaqtlarini mazmunli o‘tkazishda qo‘l kelmoqda. Asosiysi, bu hamkorlik doirasida bolalarni ham jismonan, ham ma’nana yetuk qilib tarbiyalash, oilalarni mustahkamlash, ta’lim sifati va samaradorligini oshirish orqali jamiyatda sog‘lom turmush tarzini qaror toptirishga erishilmoqda.

Respublikamizning turli viloyatlarida o‘tkazgan tajriba va kuzatuvlarimiz, bugun

mahallalarda oilaviy munosabatlarda shaxsning umummadaniy dunyoqarashini shakllantirish, ijtimoiy ongini tarbiyalash, qaror toptirish, yoshlar tarbiyasida hamkorlikda amalga oshirishimiz lozim bo‘lgan ishlarimiz ham talaygina ekanligini ko‘rsatmoqda, ularni quyidagicha izohlash mumkin:

- birinchidan, mahallalarning yoshlarni har tomonlama barkamol insonlar sifatida milliy qadriyatlarimizga hurmat ruhida tarbiyalashdagi rolini yanada oshirish maqsadida fuqarolar yig‘ini faoliyatining asosiy yo‘nalishlari bo‘yicha komissiyalari faoliyati samaradorligini oshirish;

- ikkinchidan, “Oila – mahalla – ta’lim muassasasi” hamkorligi faoliyatini tizimli yo‘lga qo‘yish, alohida e’tiborga muhtoj oilalar farzandlarining ta’lim-tarbiyasini doimiy nazoratga olish;

- uchinchidan, har bir oilaning ilm-ma’rifatga munosabatini tubdan o‘zgartirish, tarbiyada ota-onalarning farzand oldidagi burchi va mas’uliyatini to‘liq his etishi muhim ahamiyatga ega ekanligini inobatga olib, ota-onalarning tarbiyaga oid bilimlarini oshirishga qaratilgan “Ota-onalar universiteti” mashg‘ulotlarini zamonaviy shakl va usullarda tashkil etish;

- to‘rtinchidan, yoshlarni ta’lim jarayonlariga to‘liq qamrab olish, o‘quvchilarning o‘z vaqtida darslarga qatnashishini nazorat qilish, ularning qarovsizligi va nazoratsizligining oldini olish, ularning bo‘sh vaqtlarini mazmunli tashkil etish maqsadida turli sport, fan va ijodiy to‘garaklar faoliyatini yanada kengaytirish bo‘yicha hamkorlikni kuchaytirish;

- beshinchidan, ta’lim muassasalarida o‘tkaziladigan barcha tarbiyaviy, ma’naviy-ma’rifiy, madaniy-ommaviy va sport tadbirlarining mahallalar, jamoat tashkilotlari bilan hamkorlikda olib borilishiga erishish kabi dolzarb vazifalar oldimizda turibdi. [7] Oila-mahalla-ta’lim muassasasi strategiyasida shaxsning umummadaniy dunyoqarashini shakllantirish jarayoni bir necha yo‘nalishlarda amalga oshiriladi. Mazkur yo‘nalishlar quyidagilardan iboratdir:

- oila institutini mustahkamlash, mavzu yuzasidan tegishli uslubiy qo‘llanmalar ishlab chiqish.

- har bir xonadonga kirib, ulardagi ijtimoiy-ma’naviy muhit va turmush darajasini to‘liq o‘rganib chiqilishini ta’minalash, mavjud muammolarni bartaraf etish yuzasidan alohida chora-tadbirlar rejasidagi ishlab chiqilishini, belgilangan tartibda tasdiqlanishini hamda bajarilishini ta’minalash ishlarini o‘rganib borish

- oilalarni o‘rganib, mavjud muammolarni bartaraf etish tizimining joriy etilishi borasidagi ishlarni nazorat qilib borish, muammolarni hamkorlikda bartaraf etish choralarini ko‘rish, amalga oshirilgan ishlarni sarhisob qilish va belgilangan tartibda hisobot berish.

- notinch oilalar bilan ishslash bo‘yicha mahalla maslahatchilarini, xotin-qizlar bilan ishslash komissiyalari, profilaktika inspektorlari va posbonlarga mo‘ljallangan uslubiy

tavsiyalar ishlab chiqish.

- ichki ishlar organlarida profilaktik hisobda turgan va farzand tarbiyasiga salbiy ta'sir ko'rsatuvchi ota-onalarning har biri bilan alohida ishlash bo'yicha tartib (mexanizm) joriy etish.

- oilada ijtimoiy-ma'naviy muhitni sog'lomlashtirish, diniy ekstremistik oqimlar ta'siriga tushib qolgan fuqarolar, ayniqsa voyaga yetmagan bolalar ro'yxatini shakllantirish.

Ularga imom xatiblar, otinoyilarning biriktirilishini, ular bilan individual ishslash tizimini yo'lga qo'yish.

- ta'lim muassasalarida, mahallalarda va mehnat jamoalarida voyaga yetmagan bolalarning turli yot g'oyalar ta'siriga tushib qolishlarining oldini olish bo'yicha mutaxassislar ishtirokida turli tadbirlar tashkil etish.

- barkamol avlodni tarbiyalashda katta avlod bilimlari va tajribasidan samarali foydalanish, bolalar o'rtasida milliy ma'naviy qadriyatlar va an'analarni targ'ib etish maqsadida mahallalarda "Uch avlod uchrashuvi" tadbirlarini tashkil etish.

- ta'lim muassasalarida bolalarning qiziqishlari asosida (jurnalistika, notiqlik, adabiyot, rassomlik, musiqa va h.k) turli yo'naliishlarda to'garaklar joriy etish, bunda o'quvchiyoshlarni yanada kasbga yo'naltirish borasida respublikaning ko'zga ko'ringan ijodkorlari bilan birgalikda amaliy mashg'ulotlar va muloqotlar tashkil etish.

- "Kitob o'qish – oiladan boshlanadi" aksiyasini o'tkazish bo'yicha choratadbirlar rejasini ishlab chiqish va amalga oshirish.

Xalqimizda "Bir bolaga yetti qo'shni ota-onा" degan ibratli naql bor. Bugungi kunda turmush tashvishlari bir qadar "qo'shni bolalar" faoliyatiga ahamiyat berishimizni cheklab qo'ymoqda, hattoki ayrim oilalarimizda farzandlarimiz qanday internet tarmog'idan foydalanayotganlari bilan qiziqib ko'rmayotganlari achinarli hol albatta.

Xulosa qilib aytganda, oilada shaxsning umummadaniy dunyoqarashini shakllantirishda intellektual bilish sohasini shakllantirish jarayonida, avvalo, millatning bugungi hayoti, o'tmishi, kelajagi, butun taqdiri uchun qayg'uradigan, keng jamoatchilikning, mahalla va yoshi ulug' nuroniyalarimizning ilg'or dunyoqarash va tafakkuriga asoslanishi lozim.

### **Adabiyotlar:**

1. Musurmanova O. Farzandlarimga nasihatlar. Toshkent. Yoshlar nashriyot uyi, 2020, -186 bet
2. Qur'onov M. Maktab ma'naviyati va milliy tarbiya. – T.: FAN, 1995. – 118 b.
3. Yusupov E. Inson kamolotining ma'naviy asoslari. – T.: Universitet, 1998. – 184 b.
4. Ensiklopedicheskiy slovar po psixologii i pedagogike.

Loly\_diktionary.akademik.ru

5. Smit Rodjer. Istoriya psixologii (Vilgelm Vundt i eksperimentalnaya psixologiya) <https://psy.wikireading.ru>

6. Davronova D.S. Preparing Young People to Social Relations on the Basis of Formation ideological and Political Culture in the Family Preparing Young People to Social Relations on the Basis of Formation ideological and Political Culture in the Family Eastern European Scientific Journal. ISSN. 2199-7977 Ausgabe 3-2016 47-49